


J. M. K.



E P I S T O L A
EXIMIÆ FACULTATIS
THEOLOGICÆ
UNIVERSITATIS PARISIENSIS,
MAGNI COLLEGII SORBONÆ,

AD EXIMIAM FACULTATEM
UNIVERSITATIS PRAGENSIS,

In Causa Bullæ UNIGENITUS.

221357-
m

DECANUS ET FACULTAS
THEOLOGORUM PARISIENSIVM,

Celeberrimæ Studii Pragensis Universitati,
Salutem plurimam in Eo,

Qui convertit luctum nostrum in gaudium.



Iuxta monitum Sapientis curam habere debeamus
de bono nomine, tum maximè, cùm famæ nostræ asper-
sam labem novimus, in iis, quæ Religionis, & Fidei
Nostræ integritatem spectant, in quibus, ut ait D. Hiero-
nimus, *nefas est quemquam esse patientem.* Cùm igi-
tur ex iis, quæ statim ab obitu Ludovici XIV. Invi-
etiissimi Galliarum Regis in nostra Theologica Par-
isiensi Facultate adversus Constitutionem UNIGE-
NITUS, à nonnullis turbulentis tentata sunt, iste rumor infastus de Par-
isiensibus Theologis per universum Orbem Catholicum increbuerit; Decre-
tum nempe, quod anno 1714. pro acceptanda, & observanda præfata Constitu-
tione SS. memorie CLEMENTIS PAPÆ XI. emiserant, subinde declara-
tum fuisse nullum, falsum, & adulterinum (quod tamen invictissimis argumen-
tis ostendimus in Actis nostris esse falsissimum) imò communi Magistrorum

A

suf-

suffragio , renitentibus admodum paucis , interjectam fuisse ad futurum Generale Concilium scandalosam provocationem , uno verbo : adversus Decretum Apostolicum ab Episcopis acceptatum , & promulgatum , insurrexisse nihilominus totam Facultatem nostram , atque inde vulgo traduceremur Parisienses Theologi , ac si per stupendam animorum conversionem à priscis Majorum suorum moribus , & ab Antiqua , quæ hucusque in Ordine suo doctrina vigerat , planè recessissent , spretaque docentis Ecclesie Authoritate , quam qui non audit , tanquam Ethnicus & Publicanus , ipso pronuntiante Christo Domino , haberi debet , se solos aliter docentes esse audiendos jaētitarent , eorum ritu scilicet , qui , ut soli sapere videantur , Cœlum ipsum vituperant , & rerum novarum amatores , quorum os abundat malitiâ , sparsis undequaque famosis suis libellis , tanquam totidem funestis flabellis , falsum hunc rumorem augere non cesserent , quemadmodum hodierna die nec adhuc desinunt , adeò , ut in istis florentissimis Academiis Catholicis nemo ferme foret , qui attendendo ad ea , quæ de nobis sinistra fama renuntiante passim circumferebantur , & ex altera parte revocando in memoriam suam felicem præteriorum temporum conditionem nostram , in hæc verba , luctu ac mœrore percitus , non statim erumperet : *Hæc cíne est illa perfecti decoris Theologica Parisiensis Facultas , gaudium olim universæ terræ? quomodo obscuratum est aurum? mutatus est color ejus optimus?* Ad tot tantaque reformanda mala duximus strenuè ac fortiter esse allaborandum . Ut autem id præstaremus feliciter , intelleximus , non satis , sufficienterque consultum iri famæ nostri Nominis , si , quæ per summum nefas nebulosis temporibus inserta fuerant in Commentariis nostris , & quæ evulgata falso rumori ansam , aliquodque fundamentum haetenus præbuerant , planè , penitusque apud nos rescinderentur , & iis substituerentur meliora ; sed insuper oportere ad amoliendam hanc labem , Acta , quæcunque à nobis ea de re sancirentur , publici juris fierent , ut quo-cunque ad dedecus , & opprobrium nostrum , rerum malè gestarum iniquitas accesserat , ibi pariter ad resarcendum honorem nostrum , damni fortiter , ac feliciter reparati notitia perveniret , nec minus hodie ad propulsandam gravem injuriam diffunderetur factis certissimis cognitio Veritatis , quam ad conflandam turpem calumniam , se le pravis artibus diffuderat *antea propagatio falsitatis* .

Quapropter , quæ duo erant æquè necessaria , statim atque potuimus , eodem ferme momento præstitimus ; alterum , in quo agebatur de statu nostro , ut verbis utamur Sancti Augustini , *necessarium erat nobis ; alterum: quod erat de recuperanda fama Nominis nostri , necessarium aliis ; Utrumque debebamus Æquitati , Honori nostro , Religioni.* Primò itaque , ubi se se fausta obtulit occasio , cui jam præstolabamur impatiens moræ , emendavimus , quæ jam dudum debuissent emendari . Decretum latum anno 1714. suæ , ut par erat , sinceritati restituimus , & Authoritati , atque ut nihil deesset opere in tanto , & omnibus , quæ occurri possent , incommodis consuleremus , nova sanctione , eaque priore Authentica magis , ac solemniori , Facultas Nostra declaravit die 15. Decembris ultimi in suis Generalibus Comitiis apud Collégium Sorbonæ congregata , amplecti se de novo Constitutionem UNIGENITUS , tanquam Dogmaticum Universalis Ecclesiæ *Judicium* , cui refragari nefas , cui non obsequi , nihil aliud est , quam velle partem habere cum iis , qui deforis sunt , nec ad Ecclesiam ulterius pertinent .

Adhi-

Adhibuimus cautionem, nè quid huic simile, quod evenerat, deinceps contingeret, neque ad Gradus nostros Theologicos admitterentur, nisi de quorum constaret apud nos fidei sinceritate, & obsequio, cæteris, quæ expendi solent, non neglectis. Hoc bene, ac recte, sapienterque factum vobis profectò Sapientissimi Magistri videbitur, & idem illud valde fuisse non opportunum duntaxat, sed planè necessarium judicabunt, quotquot sunt æqui rerum Æstimatores; neque enim sufficit præteritis, aut præsentibus domesticis malis attulisse remedium; verùm prudentia est imposterum prospicere, ac providere. Aliud supererat non necessarium minùs, à quo duxit præsens epistola, quod similiter non censuimus omittendum, nempe ut non solum typis ad usum nostrum mandarentur Acta nostra, sed etiam eorum exemplaria per Orbem Catholicum affatim spargentur, & lata eam in rem expressa conclusione voluimus ad insigniores Academias, quarum Catholica Fides bonus est odor Christi in Ecclesia, quantocytus nomine nostro mitterentur; nec dubitamus, quin pro vestra erga Ordinem nostrum propensa voluntate, ad aspectum eorum, quæ favente cœlo novissimis ipsis temporibus feliciter gessimus, non plurimum gaudeatis in Domino, nobisque velitis ex animo gratulari.

Accedit ad istud bonum, quod à se magnum est, descendens à Patre luminum, à quo fluit, quocunque donum est optimum, quòd, ex quo prodidit Decretum novum die 15. Decembris ultimi, sexcenti & amplius numero Magistri, quos officiorum necessitas procul ab Urbe, & Comitiis nostris dissitos retinet, scriptis Eximiis epistolis huic applaudere gestiant, suaque suffragia nostris adjungere suffragiis glorientur, & singulis diebus accedant ad illud roborandum Decretum, ex variis Orbis plagiis certissima testimonia non inferiora prioribus; adeò, ut exceptis adhuc nonnullis numerò paucis de sua nuditate confusis, qui suis privatis opinionibus abrepti à cæteris dissident, atque idcirco tanquam viri turbulenti jussi sunt à Comitiis nostris abstinere, affirmare meritò jam possimus, utendo verbis Eutychii Constantinopolitani in sua Nomine Concilii ad Vigilium Papam Epistola: *submota confusione discordie, pacem reformasse DEum in Ordine nostro, & collectos in unum Magistros, unum idémque sapere in recta Fidei confessione, quod sanè Catholicè sentientibus gratissimum esse debet, & multum habet in se non mediocris solatii.* Quid indè porrò his acceptis nuntiis eveniet, Sapientissimi Patres ac Magistri? Illud certè, quod nostræ in præsentiarum gloriæ plurimum interesse profitemur: quæ infausta de Nomine nostro, fortè apud Vos etiam prævaluerant, suspiciones delebuntur, redibit pristinus favor, reviviscet præclara, quæ apud Vos, ut alibi, floruerat olim, nostri Nomini existimatio.

Docet S. Augustinus lib. Confess. *cavendas omnes suspiciones*, & in antecessum studendum, nè fingatur de nobis, quidquid fingi potest, aut dici; quantò magis, ubi tam noxiæ suspiciones obtinuerunt, nec defuit, proh dolor! aliquod fundamentum, ut obtinerent. His ità positis nullus est in nostris evulgandis operibus superbiae typus metuendus, nulla jaçtantia, ostentatio nulla, quia vera inest loquendi, ac scribendi, & quæ scripta sunt, evulgandi necessitas. Scimus quædam esse opera bona, quæ, nè fiant coram hominibus, sed in abscondito, Divina nobis præcipit in Evangelio Christi Domini Sapientia, ad quod attendens præceptum S. Basilius,

lius, rectè Christianos admonet, *inanem gloriam esse fugiendam*, quam dulcem
bonarum operum spoliaticem non minùs verè, quām eleganter nuncupat. Ve-
rūm sunt alia tamen opera bona, quæ jubente eodem novæ Legis Authore
Christo, *lucere debent coram hominibus, ut illa videant, & glorifcent Patrem, qui*
in cœlis est. Non sunt hæc duo inter se pugnantia, si attendamus ad diver-
sam operum indolem, & eorum naturam, de quibus sermo est, nec non ad
conditionem temporum, in quibus nunc versamur, & sumus positi; ma-
ximè verò, si quæ manifesta fiunt, & evulgantur, eo bono ac recto fine
prodeant, quo Acta nostra typis recens edita ad Celeberrimam Academi-
am Vestram mittere sattagimus. Nostrum ergo non improbabitis Consi-
lium, Magistri Sapientissimi, ex quo mentem nostram noveritis; vehemen-
ter cupimus in Amicitiam redire Vestram, si forsan ab illa excidimus; ni-
hil magis cordi est, quām Academiac Vestra, quæ cæteras inter multiplici
titulo eminet, antiqui amoris vinculo, & Catholicæ Fidei communione
confociari. Unde confidimus futurum, ut munusculum illud nostrum,
quale est, ingratum Vobis non sit; erit certè in signum ære perennius, &
pignus Authenticum illius observantiæ singularis, quâ Vos, Illustrissimum
que Ordinem Vestrum impensè colimus, ac veneramur.

Valete Sapientissimi Theologi, crescentes semper in Scientia DEI,
veritatē facientes in charitate. Conjunctis viribus confortemur in Domino, &
in potentia virtutis ejus ad destruendam omnem altitudinem extollentem se se adver-
sus scientiam DEI; Verbum vitæ contineamus ad consummationem Sanctorum, in
opus ministerii, & ædificationem Corporis Christi.

Pax Vobis Fratribus, & Charitas cum Fide à DEO Patre, & Domino
JESU Christo. Gratia cum omnibus, qui diligunt Dominum Nostrum JESUM
Christum in incorruptione. Amen.

Datum Parisiis in Comitiis Generalibus Kalendis Septembbris,
Anno reparatæ Salutis humanæ supra Millesimum Septingentesimo Tri-
gesimo.

De Romigny
Syndicus.

De Mandato D. Decani, & Magistrorum
Sacré Facultatis Parisiensis.

Herissant
Scriba.

*l'cem
Ve-
qui
ver-
ad
na-
fine
mi-
si-
en-
ni-
lici
one
m,
&
am-*
RESPONSORIA
FACULTATIS THEOLOGICÆ
UNIVERSITATIS PRAGENSIS.

DECANUS & FACULTAS
Theologorum Pragensium,
Celeberrimæ, & Antiquissimæ Studii Parisiensis
UNIVERSITATI,
Salutem plurimam in Domino,
Et ab
UNIGENITO
DEI FILIO
PERENNEM BENEDICTIO-
NEM, & SEMPITERNAM
PROSPERITATEM.



Uòd in conjunctionem gaudii , &
in partem de plenitudine consolationis , &
exultationis suæ , quam sapientissimi consilii sen-
tentia , & æquissimi Judicij Decreto pro Gloria
UNIGENITI DEI FILII congregata in unum ,
Sacra Facultas concepit , Nos evocare libuerit ,
Nobiscumque uberrimos Sanctæ Lætitiae fructus
in Spiritu Sancto conceptos , in veritate , atque charitate partos com-
municare placuerit , grandis exultationis Nostræ accrevit portio , inex-
plica-

plicabilis exhilaratio , ingénsque in Nos propensi Sacræ Facultatis affectus estimatio , & veneratio , & utriusque augmentum excrevit ; Unanimiter profusis gaudiis ex abundantia cordis exhilarati pariter in consummatione gaudii congaudemus : *Ecce quām bonum , & jucundum in Domo Divinæ Sapientiæ habitare in unum , in Charitate congregari , & consentire in Veritate ; Impensè gratulamur ad unum omnes Sacris Comitiis , super quæ Spiritus Veritatis , & Charitatis ità descendit , ut dissensioni nullus relinqueretur locus , neque ullum foret votum ; sed sola Pax , & Tranquillitas recto intellectu , & bono affectu colligeret calculos , & suffragia , quibus Sapientissimi juxtà ac Sacerrimi Ordinis æquissimum Arbitrium probatis , & approbatis , sententiam ferret.* Non satis dilaudare valemus ardenteam Sacræ Facultatis Zelum , neque sufficienter applaudere magnanimæ Declarationi , justissimæ , & sapientissimæ Ideæ , atque irrefragabilis Veritatis exemplo , quæ novit *preciosum à vili discernere* , atque ità ex Prophetico testimonio , quasi *Os Divine Sapientiæ fieri* , quod tam solitam argumentandi vim complectitur , & energiam ; ut potens sit irritare , quæ contraria : roborare , atque firmare , quæ stabilienda : & quæ firmata sunt , porrò confirmare , & ab omni adverso insultu generosè , & gloriosè tutari . Magno nempe Sacerrimus Ordo Sapientiæ apparatu est instructus , ut potenti eloquio , literariisque monumentis nunquam non capax sit falsas subtilitates enervandi , & evertendi , quibus APOSTOLICÆ SEDIS CONSTITUTIO à malignis conatibus per temporis funesti Assertores , & Scriptores tentata fuit . Probandus etenim spiritus est non minùs Veritatis , quām Charitatis , utrum genuinus sit , nè sub specie Veritatis intellectus erret , & Voluntas decipiatur ; Amplissimumque Literatæ Virtutis in probata Veritate , & Charitate præconium est ; hæc namque mali genii est impostura , ut assertis suis perfidam conciliet fidem , hæc rectæ rationi non solum non esse dissona , verùm Ipsi Divinæ Sapientiæ consona jaicitet ; atque eosque temeritate sua procedit , ut velut Authoritate Fidei nixa , mala quantumvis fide relatis Divinis testimoniis , & majori perversitate in argumentum deductis , roborare , divulgareque ausit , & sub specie , quasi pervetustum , & authenticum , quod prorsus novelum , & spurium , alleget , invalescentèque lapsu temporum erratico lumine Cathedris , & falsis persuasionibus Aris illudat , Maternaque Ecclesiæ viscera in avulsione Membrorum à Capite dilaceret , & Unitatem falsitate , & iniuitate discindendo , Veritatem , & Charitatem invadat , ut his duabus Virtutibus , quæ vitam fovent cæterorum , eliminatis , mendacium cum odio concatenet ; neque perversitate judicii proprii contenta iniquitas sibi mentiens , nè mentiri quoque censeatur aliis , solique sibi videatur sapere , consequenter despere , falsum loquens testimonium , facit causam communem , & errorem suum sententiam esse Praclarorum Virorum , & Sapientissimorum Magistrorum Doctrinam impudenter adstruit , ità perversè sua minuens , & obvelans errata .

Verùm : non est consilium contra Divinum Spiritum Veritatis Sacræ Facultati providè assistentem , Quæ sapientissima perspicacitate ,

cacitate , & illustri prudentia fraudes errantium , & fraudulentorum errores detexit , & de crimine falsi magnæ Authoritatis argumentis , & solidis sinceræ Veritatis Literatis monumentis convincit ; Sapientissimi enim deputati Magistri ad stuporem attoniti primùm ad impætus Sacræ Facultati calumnias hæserunt , quando inspectis erroneous commentariis intuiti sunt decoloratam , ac deformem factam Sacræ Facultatis Doctrinam : Ecclesiæ Capitis conclamatam esse Authoritatem , unum Concilium Generale velut supremum Judicem Controversiarum habitum , Læsam Summi Pontificis , & Episcoporum Sacram Dignitatem , Presbiteros simplices Episcopis esse æquatos , Judicium in res fidei ab ipsis etiam Laicis esse vindicatum , & usurpatum ; attamen tantas tam Illustri Sacræ Facultati aspersas tenebras justissimo Zelo non patiens , Clarissima Veritatis Luce prorsus oppositum se sentire corde , & animo , calami , & vivæ vocis firmamentis , etiam jurejurando hoc asserere parata , est contestata , firmissimâ mentis sententiâ Sacra Facultas declarans : Se CONSTITUTIONEM UNIGENITUS tanquam Judicium , & Decretum Dogmaticum Universalis Ecclesiæ simpliciter secundum tenorem assertæ Constitutionis , secundum mentem , & sententiam Sedis Apostolicæ ad supremum à primo apicem recipere , hanc laudare , & approbare in omnibus , jubere , ut inferatur suis Commentariis , atque etiam mandare typis , & Latino , & Patrio sermone divulgare , statueréque , ut recitetur in Cathedris , neque ullus Sacræ Facultatis ullum obtineat gradum Dignitatis , qui Eidem Sacræ Constitutioni se firmiter assentiri plenam fidem non faciat , & Sacramentum dicat .

Non tamen hæc ità intelligimus , quasi verò data Declara-tio tacita prioris sententiae foret revocatio ; sed esse sapientem confirmationem sentimus , quando jam dudum , & multis abhinc lapsis annis Sancta hæc Constitutio à Sacra Facultate plena fide fuit re-cepta , ità enim inter sua Decreta sub Num. 2. & 3. Sacra Facultas Sanctum habet : Attendendo ad gravissima rationum momenta , quibus abunde constat Decretum Sacri Ordinis Latum Diebus Quinta & Decima Martii 1714. verum esse , ac genuinum , illud iterum & de novo suum facit , & agnoscit immerito prorsus fuisse declaratum falsum , adulterium , & commentitum ; atque idcirco vult , ut nulla habita ratione Li-turæ factæ 4. Januarii 1716. quantumvis per nonnullas Conclusiones probata videatur , illud Decretum suum omne robur habeat , & hac præsentis Conclusione in integrum restitutum censeatur , nec non , quæcunque contra ipsum tentata subinde sunt , penitus deleantur , eradantur , adhibita men-tione ad marginem præsentis Conclusionis ; & notanter , quod sequitur , respeximus Decretum : Constitutionem Sanctissimi Domini Nostri CLEMEN-TIS Papæ XI. datam Die 8 Septembbris Anno 1713. quæ incipit : UNIGE-NITUS DEI FILIUS summa cum reverentia , & integro cordis , & ani-mi obsequio , iterum & de novo amplectitur tanquam Dogmaticum Eccle-sie Universalis judicium . Atque ut clariùs finistrum obscurioris famæ Sacra immutet Facultas , & de se avertat judicium , sapientissima prosequitur Decreta : Provocationem , seu Appellationem , quæ legitur , & circumfertur sub Nomine Sacræ Facultatis à prædicta Constitutione UNI-GE-

GENITUS ad futurum Generale Concilium Die 5. Martii Anni 1717. interjecta præsenti Conclusione ; quantum opus est , revocat , pro nulla haberi jubet , cassat , & antiquat , atque à suis Commentariis vult , & imperat eradi , & expungi , nec non alios omnes actus predictæ Constitutioni adversantes.

Quæ singula universim ut publici Juris fiant , Sapientissimum Sacrae Facultatis est desiderium ; amant enim latere , qui male agunt , ea verò , quæ optima sunt , latissimè diffundi , æquum est ; proinde Gloriosa hæc Comitia non sunt tam deliberantium , quam in Unitatem Fidei pro plenitudine Dogmaticæ Veritatis sanctè conjuratorum Sacra Congregatio , ut , si qui forent adhucdum dissidentes , eos dissertatione pacifica Veritatis Authoritati reconciliet ; Officia enim Magistri Fidelium Magnus Sapientiâ , & sanctitate Ecclesiæ Doctor describens Aurelius Augustinus , ad tria potissimum reducit capita , videlicet : *Ut tollat errorem , inserat Veritatem , & nutriat Charitatem.* Neque enim satè est luminosam possidere scientiam , verùm etiam ingenii dexteritate ornatam esse oportet ; ita , ut Veritatem , quam docet jam illustratam , aliorum intellectui quoque reddat conspicuam , cùm enim (ut Idem Divus obseruat Hipponensis Præfus) Doctori laborandum sit ad dissipandas ignorantiae tenebras , lucem asserendo mentibus , *ut appareat , quod latebat* : exhibenda pulchritudo , & suavitas Virtutis , ut ametur , atque austерitate sublata , quæ Illius desiderium , & spem in animis hominum retrahebat , tam scitè insinuare , ut in Ejus amorem prona invitetur voluntas ; *ut libeat , quod horrebat.* Quia tamen persæpe ignavia mortalium utut in aliis ardentia , & prona sufflaminat corda , ut viribus amissis bonum cognitum , quod quidem amant , minimè tamen inquirant , & amplectantur , ideo generosum robur illis infundendum est , quo ad vincendum , quidquid arduum in exercitio virtutis occurrit , animentur , & fiat , quod pigebat.

Atque ita nihil dedecoris Sapientissimo accedit Ordini , nihil omnino labis Sacrae aspergit Facultati , quod nonnulli à tanta sint alieni sapientia , ut dissentiant ; cùm Veritas , & Virtus in suis principiis tam solidè sit fundata , ut etiam aliorum errore , ac vitio non cesset esse laudabilis , quando hoc , quod commendabile est , ex adverso illaudabili amplius , & consummatius illucescit ; neque tamen , ex hoc cogitamus dissidentibus nonnullis exaggerare , quod erroneum est , sed invitare , ut Sacrae Facultatis sapientissimæ sententiæ consentiant ; non erit ignominia errantes resipiscere , dissentientesque consentire Veritati , sed magnæ Gloriæ ; quod & ipsum dispari licet casu , magnum Ecclesiæ Lumen comprobat Augustinus , qui dubium Eruditio reliquit Orbi ; utrum Major fuerit in sublimitate , in Libris sapientissimis toti commendatus , & celebratus Orbi , an Gloriosior in humilitate , in Libris Retractationum ? Attamen lugenda , & nimis quam lugenda sors est , qui à Sapien-

Sapientissimis Magistris se avellunt , sanæ Doctrinæ , & irrefragabili Veritati , atque Canonizatae Authoritati dissentientes , nunquam de vera Theologica hi fuerunt Sapientia , sed esse apparebant ; ut de aliis spiritui Veritatis dissonis Magnum Galliæ Nomen Mellifluus Doctor suam promptis sententiam : à nobis abierunt , quia non fuerunt de nobis ; ità nimis aberrant , qui nimis lucis suæ ingeniō præfisi , dilucidæ obscuritati Fidei , quæ magnum cæteroquin rectè agendorum lumen est , humiliter captivantes intellectum in obsequium infallibilis Magistræ Veritatis , se non submittunt ; atque hinc Magnô Veritatis videre coguntur dispensiō , lumen suum tenebris involutum esse , non attendentes Euangelicum Documentum , sibi datum in cautelam : *Vide ergo , nè lumen , quod in te est , tenebræ sint ; simplici nempe hi destituuntur oculò à Patre Luminum illustratō , & volentes nimis esse perspicaces , impingunt , & in multis offendunt , libertatique suæ , quam nimis libere tueri meditabantur , præjudicant , quando etiam libertatem conscientiæ hæretica pravitas obtrudit contra legis vigorem , quasi verò ad commendandam libertatis immunitatem , necessum foret inducere licentiam quidlibet audiendi.*

Ex quibus facile liquet Sapientissimi Magistri , quis de Sacro Vestro Ordine Sacræ Facultati Theologicæ , & Universitati Carolo - Ferdinandeæ Pragensi sit sensus , & sententia , patetque ex declaratione animi Nostri , utrum Gloriosæ Famæ Magnorum Magistrorum Sapientissimæ Sorbonæ , quod submetuebatur , labo cuiusdam diffamationis sit præjudicatum ; nunquam in Animum Nostrum ita induci valuit rumor etiam literariis monumentis commissus , ul tro , citrōque divulgatus , qui solemnem in Sorbona velebat esse à CONSTITUTIONE UNIGENITUS proclamationem , & provocationem ad Universale Concilium , ut fideim inveniret apud Eos , apud Quos Sacri Collegii Theologici Sorbonæ magnum semper , & gloriosum fuit Nomen . Neque quod temeritate vulgi ex lapsu privatorum toti adscribitur Ordini , Academicæ Sapientiæ fuit , nec esse potuit Judicium , nisi quoque Collegium Apostolicum ex defectu particulari quis ausit infamiam notare ; nequiiit proinde funestus Mercurius Sacræ Nostræ Facultatis ita obtinere aurem , ut , qui alios Nuntiō suō reddidit attonitos , apud Nos suspicionem , imò judicium falsi rumoris non subiret ; Quanta enim sint incrementa Gloriæ Sapientissimæ Sorbonæ , & Sacri Ordinis Vestri Celeberrimæ quidem & Antiqua , nunquam tamen antiquata , in Veritatis contestationem respiciantur tempora , revolvantur Acta , legantur Scriptorum Monumenta , Majorum , & Succedentium attendantur Testimonia , & his eruditus , compertum , probatūque edicet , Sapientiam hic ita sedem fixisse , ut Emporium foret Literatorum , tantæque fœcunditatis , ut Universitas Parisiensis multarum aliarum Universitatum esset Mater , gloriosos edens Partus , qui Nobilissimos suos Natales suspiciunt in Avitæ Sapientiæ Sorbona , & grata Veneratione complectuntur ; Hinc & Gloriæ sibi ducit Universitas Pragensis sub glorioissimæ memoriæ Augustissimo CAROLO hujus

Nominis IV. Universitatem Parisiensem in Tripolim Pragenam ex parte Colonias duxisse ; quin imò & toti Ecclesiae utilissima fuit , ut ità se non solum Sapientissimam , sed & Christianissimam comprobaret , quando non solum Doctores , sed & Sanctos educavit , & enutritivit. Exinde obligata est Sorbonæ Schola Subtilis , quòd Sanctum Doctorem habeat Seraphicum ; obligata est Schola Thomistica , quòd Angelicum suum nacta sit Doctorem ; obligatus est Religiosus Nostræ minimæ Societatis Ordo Inclytæ Sorbonæ , Quæ primos cum Sancto Fundatore Patres non finè Laureis Theologicis Sapientiæ gloriâ , & honore coronavit.

Absit itaque tam illustrem tótque Titulis gloriosorum meritorum incrementô Divinæ gloriæ , fidei salvificæ emolumento conspicuam Sacram Facultatem ignominia maculis , ceu ab Excelsis Majorum cogitationibus degenerem obscurari. Sacra Facultas , & sacrerimus Ordo Vester gloriam suam , & honorem factis tuebitur ; Nos sermone gloriofis his facinoribus infidente in *Unitate Fidei* , & conjunctione cum *Authoritate Capitis Ecclesie* defendemus , ut dissipatis minus recte sentientium nebulis sua Claritas reddatur *Veritati* , & abolitis dissidentium nœvis sua firmitas restituatur *Charitati*. Proinde corpore quidem divisi , Veritate tamen , & Charitate conjuncti pro Gloria UNIGENITI DEI FILII conspiremus , sub cuius gratiosissimis Auspiciis *Dogmaticum Sacre Constitutionis Decretum* suum sumit exordium ; Conatus , & studia nostra in spiritu Veritatis , & Charitatis unita Divina Sapientia , quæ Fons , & Princeps Caput Argumentorum est Theologicorum (Theologia enim ex notatione Nominis Sui de DEO , & ex officio pro DEO loquitur) Principaliter largissima benedictione firmiora reddet , & in terris Divinæ Sapientiæ Vicarius CLEMENS XII. Clementissimam Antecessoris *Constitutionem* firmissimè Propugnantes , sanctissimè pro Utriusque Facultatis incremento benedicens , corroborabit , Sacro - Sanctum semper tenentes , & continuò retinentes , quod *Dogmaticè constitutum* est ; repetere enim crebriùs , quod rectum est , non est de Veritate deliberare , sed , quod firmissimum est , affirmare , & confirmare.

Quòd autem intervallum Responsoriis ad Acceptissimas Nobis interpositum sit , erat , opinione Nostra , ex ipsa Voluntate Sacrae Facultatis , Cujus declaratione accepimus , omnibus suum innotescere velle salutare Decretum , firmamque de CONSTITUTIONE UNIGENITUS acceptance sententiam ; proinde ad mentem Sacri Ordinis , hanc pluribus Literatis Facultatibus communicatam voluimus , ut , si forte apud Quospiam sinistior foret opinio , in redintegrationem Gloriæ plenè oblitteraretur ; atque ità Nostram , & plurium Aliorum præsentibus Sacrae Facultatis estimationem manifestam manifestius consignamus. Insuper & typis mandavimus , ut impressius extaret , & indelebiliter Integerrimæ Sententia perseveraret Monumentum.

Repe-

Repetitis proinde Votis incrementa Divinæ gratiæ , & glo-
riæ , jugem prosperitatem , perennem splendorem , & Excellen-
tiam sempiternam ex animo Facultas Theologica Pragensis Sacræ Fa-
cultati Parisiensi precatur , & comprecatur.

Datum Pragæ Pridie Kalendas Martii Annō reparatæ Salu-
tis humanæ supra millesimum septingentesimum trigesimō primō.

BERNARDUS RASCHDORFF,
è Societate JESU SS. Theologiæ Doctor , &
Sacræ Facultatis p. t. Decanus.

JOANNES BIDERMAN,
è Societate JESU SS. Theologiæ
Doctor , & Sacræ Facultatis
Senior.

FRANCISCUS FERDINANDUS SCHWARTZ
de LAURO , Juris Utriusque Doctor , Universi-
tatis Pragensis Syndicus , & Notarius.

Cum Licentia Ordinarii.

Reimpressum

WRATISLAVIÆ , Typis Academicis Collegii Societatis JESU.
Annō M. DCC. XXXI.

ERINNIR DUS RASCHDORF ET
SOCIETATIS IESUSS THEOLOGICAE DOCTOR,
SOCIETATIS ACADEMICAE COLLEGII SOCIVITATIS IESU

ERINNIR DUS RASCHDORF ET
SOCIETATIS IESUSS THEOLOGICAE DOCTOR,
SOCIETATIS ACADEMICAE COLLEGII SOCIVITATIS IESU

JOANNES BIDERMANN
SOCIETATIS IESUSS THEOLOGICAE
DOCTOR, & SCIENTIAE THEOLOGICAE
CENSOR.

JOANNES BIDERMANN
SOCIETATIS IESUSS THEOLOGICAE
DOCTOR, & SCIENTIAE THEOLOGICAE
CENSOR.

MATTHIAS ERDINANDUS SCHWARTZ
DE L'AVRO, AMICUS CATHOLICUS DOCTOR, CENSOR
SCIENTIAE THEOLOGICAE, & VENATOR



CARLO TIGANIUS OLYMPIANUS

REIMPRESSUM

MARYTISVATE, TYPIS ACADEMICIS COLLEGII SOCIVITATIS IESU
anno M. DCC XXXI

Biblioteka Jagiellońska



stdf0024675

